

AKE OUNKCHIYAPI ETKIYA CHANKU KIN HE

WANIYETU IYOHI TAKU

**TATANKAKHCHA MAKOKASHPE IKCHEWICHASHTA KA OTUNWIN
AKAB MAKOKASHPEPI OB OUNKCHIYAPI HE
WAZUSHTECHA SHA WI 2018**

Waustanpi Upteceda Oyakapi: Manitoba Imahed Okiciuwastepti Canku Etkiya, Kektopawnge numpa sumpa akesakowin

Waustanpi Upteceda Oyakapi: Manitoba Imahed Okiciuwastepti Canku Etkiya

Manitoba Ikce Wicasta nakun Wiziyata Wicowoyake kin nina iyokpiya Okiciuwastepti Canku Etkiya Waniyetu Wanzi Woicage Owoyake utanipi, he wana iyamini. De waniyetu kin wooyake kin okiwita taku Unciyapi Makoce Wowicake nakun Okiciuwastepti Waeconwicakiyapi Woiwohdake (TRC's) wikcemnanapcewanka sum topa (94) Woapiyapte (CTA) hena owapi, tukte ohan tehan wayawa iyayewcaypiwosice kin hena apiyapte nakun Unciyapi Makoce Okiciuwastepti wokuwa kin he patokayapte owapi. Manitoba makokaspe oitacan kin taku wicohan kuwapi ohdakap kin he okaspe tanka numpa, "woaiyahpayapi" nakun "okiciuwastepti" eyapi, hena TRCahake wooyake owapkin hed utanipi, Wowicake Uonihanpi, Tokatakiya Un Okiciuwastepti: Unciyapi Makoce Wowicake nakun Okiciuwastepti Waeconwicakiyapi Ahake Wooyake Upteceda Owapi.

Wowaiyahpyapi okaspe kin he Manitoba makokaspe oitacan kin wokuwa tukte ahna Manitoba makokaspe imahed ikce wicasta oyate ka wasicu oyate, akiyeced wicakuwapsni, (owicakiyapi, woope kagapi nakun woope es waeconapi nakun okodakiyiciye ota ob wounhdakapi tuktew ahna siceca awanwicayakapi, waunspewicakiyapi, iapi,oihduhe, wozani nakun woope hena apiunyapta owapi.

Okiciuwastepti okaspe kin he wokuwa tokatakiya tukte ohna ikce wicasta oyate wasicu ob ohikcida opiciyapte nakun akiyeced wicakuwapta hena nihun kuwapi owapi. Manitoba makokaspe oitacan, okodakiciye ota ob, okiciuwastepta etkiya wokuwa ota skanpi, TRC woapiya owapkin he ohna skanpi.

Tokata kiya etunan, Manitoba makokaspe oitacan kin okiciuwastpte wokuwa ustampkin hena tukte ohna Manitoba imahed okiciuwastepti taku patokayapkte hena aowicakiyapta owapi. Ataya oitacan kin hecehnana ikce wicasta nakun wasicu ob waeconpta icicunzapi, Manitoba imahed okiciuwastepti wohnyate yutaninpitem hena aowicakiyapte.